

Pelanggan yang dihormati,

Lembaran Maklumat Produk (PDS) ini memberikan anda maklumat penting tentang kemudahan perdagangan anda. Pelanggan lain telah membaca PDS ini dan mendapati ia membantu, anda juga harus membacanya.

1 APAKAH PEMINDAHAN SURAT KREDIT (LCT-i)

LCT-i adalah servis yang membolehkan anda sebagai Benefisiari Pertama memindahkan sepenuhnya atau sebahagian daripada amaun surat kredit (LC) kepada Benefisiari Kedua. Perkhidmatan ini ditadbir di bawah *Uniform Customs and Practice for Documentary Credit, ICC Publication No. 600 ("UCP 600")*

Sekiranya anda memerlukan pihak lain untuk membekalkan barangan yang diperlukan, anda boleh meminta LCT yang boleh dipindah milik daripada pemohon. Setelah menerima Surat Kredit Masuk (ILC), ILC tersebut boleh dipindahkan kepada Benefisiari Kedua sama ada untuk amaun penuh atau sebahagian daripada nilai asal ILC. Dengan berbuat demikian, anda masih dapat memenuhi terma dan syarat ILC dan pada masa yang sama mengekalkan hubungan perniagaan dengan pengimport

LCT-i membantu anda mengawal transaksi perdagangan dengan lebih baik dan menyesuaikan terma perolehan dengan pembekal/pengeluar untuk dihantar kepada pembeli, di samping membolehkan Penerima Manfaat Pertama mengubah invois dan draf (jika ada) bagi memenuhi terma dan syarat Surat Kredit Induk (Master LC) untuk mendapatkan bayaran Kontrak Syariah yang terpakai adalah Wakalah Bil Ujrah (Agensi dengan Bayaran), kontrak di mana anda melantik Bank Islam untuk bertindak sebagai ejen bagi melaksanakan tugas-tugas tertentu di bawah sesuatu kemudahan, dengan bayaran perkhidmatan dikenakan.

2 KETAHUI KEWAJIPAN ANDA

Untuk kemudahan ini, sebagai ilustrasi:

- Jumlah LCT-i = RM100,000
- Tempoh = 3 bulan (bergantung pada perjanjian antara Penjual dan Pembeli)
- Kadar Komisen Efektif Bank = 0.1% daripada Surat Kredit Masuk setiap bulan (Tertakluk kepada minimum RM250)
- Komisen LCT-i = RM300

Anda bertanggungjawab untuk:



Baca dan fahami **terma-terma utama** dalam kontrak sebelum anda menandatangani.



Bayar komisen pemindahan dan pastikan terma-terma dan syarat MasterLC-i dapat dipatuhi sebelum permohonan pemindahan dilakukan.



Segera hubungi kami jika anda menghadapi kesukaran untuk menyelesaikan pembayaran kemudahan ini.

Anda perlu membayar yuran dan caj berikut:

- I. Duti setem: Menurut Akta Duti Setem 1949 [Pindaan 1989] (jika berkenaan).
- II. Fi pengeluaran
- III. Caj SWIFT.
- IV. Caj pos dan Kurier (jika ada).

Nota: Sila rujuk laman web kami di www.bankislam.com untuk maklumat lanjut mengenai yuran dan caj.

3 KETAHUI RISIKO ANDA

Apakah yang akan berlaku jika anda mengabaikan kewajipan anda:

- I. Anda perlu **membayar semua caj yang ditanggung oleh kami** sekiranya surat kredit yang dipindahkan tidak mematuhi terma-terma dan syarat surat kredit asal.
- II. Anda **terdedah kepada risiko kelewatan penghantaran barangan** akibat ketidakpatuhan penyampaian surat kredit yang dipindahkan kepada Benefisiari Kedua.

4 SYARAT UTAMA LAIN

- Maklumkan kepada kami mengenai sebarang perubahan dalam butiran perhubungan anda.
- Perlindungan Takaful adalah pilihan. Namun begitu anda atau pembekal anda dinasihatkan untuk melanggan sebarang perlindungan Takaful yang sesuai.
- Tiada penjamin atau cagaran diperlukan untuk kemudahan ini.
- Agensi Kaunseling dan Pengurusan Kredit telah ditubuhkan oleh Bank Negara Malaysia untuk menyediakan perkhidmatan pengurusan kewangan, kaunseling kredit, pendidikan kewangan dan penstrukturan semula pinjaman secara percuma kepada individu / Pemilik Tunggal / Perusahaan Kecil dan Sederhana.

LEMBARAN MAKLUMAT PRODUK

Jika anda mempunyai sebarang soalan atau memerlukan bantuan mengenai produk kami, and boleh:



Hubungi kami di
+603-26 900 900



Layari kami di
<https://www.bankislam.com>



E-mel kami melalui
contactcentre@bankislam.com.my

Perakuan Pelanggan

(Perakuan pelanggan ke atas PDS ini tidak akan menjejaskan hak merayu (redress) pelanggan jika berlaku pertikaian seterusnya mengenai terma dan syarat produk.)

Pastikan anda mengisi sendiri bahagian ini dan mengetahui tujuan anda menurunkan tandatangan.

- Saya mengakui Bank Islam telah memberikan kepada saya salinan PDS.
- Saya telah membaca dan memahami maklumat penting yang terkandung dalam PDS ini.

Nama:
Tarikh:

CONFIDENTIAL